

Visoki predstavnik se sastao sa predsjednikom Generalne skupštine UN-a Lajčákom



Visoki predstavnik Valentin Inzko sastao se jučer sa predsjednikom Generalne skupštine UN-a Miroslavom Lajčákom kako bi razgovarali o trenutnoj političkoj situaciji u Bosni i Hercegovini.

“Političari se trebaju fokusirati na reforme od kojih će građani imati konkretnu ekonomsku, socijalnu i političku korist. Nažalost, izgleda da je nekima mnogo lakše koristiti taktiku zastrašivanja, poput špekuliranja oko otcjepljenja ili ratnih scenarija, umjesto napornog rada kako bi omogućili Bosni i Hercegovini da krene naprijed.

Uprkos prilično preuranjenom početku predizborne kampanje potreba za reformama neće nestati. Političari to moraju prihvatiti za dobrobit BiH i njenih građana, te pojačati svoje napore, što prije to bolje”, rekao je visoki predstavnik.

Danas će se visoki predstavnik također sastati sa Rosemary DiCarlo, generalnom podsekretarkom UN-a za politička pitanja.